


葉昌熾 著


緣督廬日記



责任编辑：严岚
封面设计：张智

张智

ISBN 7-80643-486-0



ISBN 7-80643-486-0/Z.46

定價：1200.00 圓

9 787806 434864 >

清·葉昌熾 著



盧日記

三三

江蘇古籍出版社

樣本書



淮陰師院圖書館 543248

甲寅日記

六月

初一日晴通交正伏酷暑熏蒸午後隱有輕雷一二聲黑雲如磐即散青霄如故赤日如故瓜價驟長以兩銀元市一擔重一百十一斤仲侯從滬在寄到琴奇煙絲一觔桂圓膏十兩粿花果醬一瓶紅綠餅二十計洋一元錢八十前年從伯南借楊元補父子詩集二冊置之插架寬寫官兩年不可得茲償先鈔洽園詩六巨冊居然報業矣長夏無事心可以鈔書為日課即以楊集繼之從今午始排日逐錄一二紙

初二日晴昨宵有微涼晚旭既升炎氣仍熾振臂求談於何蓮君云為類應拔金雞納霜並以丸四粒瀉之便與未察其病狀頗狼狽面目黧垢舌苔根厚未化立談之頃而足痿二如

無所寄此作輕症告以酷暑勿再輕出西藥宜慎若無其良
醫姑求其次顧伯平脈理尚平穩寄仲侯滬上一函即以振
聲病告之康吉在新寓設經心學塾授里中子弟紫頭有張
氏家塾國文補習科答問一冊可資印證即作一緘送去劉
姬患重傷風先益痛自頰車上及於額兩太陽微熱此曉寒
所中也命濃煎紫蘇湯蒙頭熏之

初三日晴陰晝雖熱夜尚有輕颼送爽振聲昨形寒果似癰但
服何蓮君藥不甚效不如延顧伯平松泉先往傳語堅不允
仍就郭醫診歸言疫象街頭巷尾薤露之歌相聞矣午後伯
南來并郵遺書其家欲售一萬此真故帝之享矣書目一冊
即面交訖康吉同時來後去

初四日陰晴疏雨陣陣來雲過即散灑潤而已薄暮一陣稍聞

瑋璇檐溜聲亦未破塊間城中守上者昨下令禁屠江北羣
蝗蔽天不禁杞憂之交集

初五日陰雷雨有風驟涼奴子晨往問振聲病已稍瘳矣午前
王春聲未為沈退庵求題三希星聚圖沈文節公三子長絮
齋觀察名守廉今年七十二歲仲曰實甫名守誠平頭七十
退庵其季名守亦六十八歲矣文節以詞臣出視桂學行部
至梧州歿於諸寇之難遺雛成立皆享大年躋膺仕孫曾三
十餘人門楣鼎盛天之報忠不為所不厚此圖所以志也兄
弟三人合攝一影既自題詩又徵題詠復以自臨虞山邵氏
五字不損存襖帖及文節家書手蹟五紙見貽並珂羅版容
去後寫楊無補詩卷上訖原刻每半葉九行二廿一字今寫
本溢出一行二增三字原刻十六葉因此減為十四葉

初六日晴陰又大熱今日為曬書節內庭地窄先陳一簞置樟
腦兩丸以辟蠹蟲石印訂完工共百部另裝王良齋集兩冊
冷園詩四冊空白四本先一日交進劉姬忠齋齋痛楚及
頭部決自不愈為寫一疏風化熱之劑檢方書見外科金生
集驗方新編各一冊皆破爛即付重裝辭卿前索語石印取
新印本作一函送玄又寄西泠印社吳石潛一紙振聲力疾
到莊以壽山方見示用柴胡川連又以枳棋子銷酒溼不為
不中官子美表弟餽西瓜一擔十二枚

初七日晴陰無風又甚熱坐而汗行則喘飯後益倦得仲侯書
寄存青瓷缸無恙五百斤油不致淪於烏有可幸也稚園午
前來通振聲力疾到莊算印工帳訖曉索語石一部雖
有前例可援惡其貪拒未允

蓋格六百張參差不齊下方力切無餘地尤可恨

初八日晴熱不退午後五妹携甥女同來述其婦妯之言虎阜
清節堂有高陽所築精舍三間若得有力者一言安身之地
莫善於此雖巢豈可鳩占不名一錢亦無此便宜事姑為作
一函告辰卿轉求康侯晒書茲第二篋以次日候一篋天晴
無間

初九日晴午後陣雲滃然起即散愈熱五妹母女為餽鵲食又
觸熱來韋莫如深鄙人亦不欲知之也振聲力疾至晉生莊
結閨月摺尚欠紋一千六百七十兩五錢三分三厘今日付
滙來規元一千三百兩即日又支五百元

初十日晴炎威不退洪範五事恆惕厥終傳經言驗矣寄仲侯
一函為誦沂公詩調鼎何日光問梅花消息

十一日晴熱極表度當溢出血溫界使非北牖尚有風來披拂

喝欲死矣 先曾祖妣李太孺人忌辰家祭

十二日晴陰西南風勁稍涼午後始有密雲起夜卧至三鐘始聞雷聲而大雨滂沱下矣碑勾一陣疏點至黎明未息酷熱之後新涼人倦倦至不堪言收百事廢但欲眠

十三日陰涼曉雨停後日光俄現即隱里人公醮蔣侯廟拈香蒞弟忌辰家祭昨宵將雨之前聞亂鑼聲南窗紅光如返照知有大警今晨間在瓶花橋南由一銅匠店遺火延及壽器冥器二鋪臨河數塵一片焦土矣對門西人浸會堂門樓五楹亦被燬

十四日陰雨昨宵十鐘雷電大雨傾盆而下三鐘後勢愈猛跳珠激瀑喧騰徹曉至今午雷始收聲而師亦相從返駕既而既足農夫之慶閱報歐洲有戰事德俄法三國交訐而以奧

塞為隍引奧者奧斯馬加兩扇帝國塞為塞爾維亞者文亦譯為色斐亞與奧國同在多瑙河流域義從法惟其馬首是瞻英雖宣言中立亦未免牽入漩渦歐洲全局震動非常之戰禍也

十五日晴陰又熱午後子沂子雲昆季偕來介臣有書約子雲赴京師鐵路傳習所肄業子沂赴津館十八日同東裝留一通信地趾曰天津大經路自緯路對門匯通松公司談未久益庵來即告別益庵又劇談至日暮始去得仲侯一函寓楊元補詩下卷畢原稿四十一葉縮為三十六葉續寫黃山港記每葉僅十四行行十六字寫本兩行適得刻本三行一葉不止容兩葉時報載英德亦宣戰海東軍港皆為兩國兵船游奕之地青島已下戒嚴令僑寄諸公昔以為樂土而趨之

者今避地惟恐不速天下何處有桃源哉又聞上海洋貨進出口皆停運鐵路洋員皆辭職銀根奇緊洋釐驟漲至七錢二分有奇

十六日晴陰踈熱寄根生同年一歲贈以新印詔石一部償前約也又致辦卿函以白藕十斤杏仁餅乾兩罐為所雲雨郎備行糧夜雷電大雨又驟涼

十七日立秋陰晴仍熱日將晚陣雲起雷電大雨曾甥女冒雨來誦鵲鵲之章漂搖興歎

十八日晴陰晝熱夜寒薄暮又雨又雷電壹如前兩日景象振聲算詔石工價松字賽連三件件七元五角付洋大廿二元小五角磁石連史十一張古色裱面葉七十五張付兩元還小洋四角書百部共印工十八元一角裝釘八元又釘舊書

十四冊印藍格六百張并飯食合三元共計洋五十四元還
錢六百四十七文莊存百七十元除付尚存一百十有六元
伯英晚來自攜梅簾四兩見歸迷行路之難苛政之猛謂天
蓋高不敢不踰謂地蓋厚不敢不踏慨然以有生為累仲侯
亦自滬上歸期而未至夜卧後雷雨又作黎明枕上尚聞颯
沓聲

十九日晴陰午後仲侯來設未行而仲午至又長談至暮鼎孚
同年家照電代燭前日鎗箱走氣雷火穿窗而入其第六子
婦為烈能灼傷顏劇此非常之事耳其家諱莫如深歟今日
通國皆知矣寫黃山遊記畢原列二十葉鈔本適得半即續
鈔序一葉并首之詞有序有傳有志銘有壽文有象贊黃昏
又雷雨

二十日晴陰手顫不能作字閱報紀劉濱觸電事為電話機非
鎗也大雨之後故市寂然與聲而蒼頭突起羣蜚刺天午餐
有饌盡墨至有食而哇者不得已購一捕蠅破玻璃機置室中
朝夕獻馘獲生不可以數計振聲送三月房租十二元小洋
六角內閏月減半

廿一日晴陰前日兒婦歸甯其兄嫂今晚還言鼎孚之子婦觸
電殞矣同時南園葉孺人家六被擊其家妯娌三寡而竈分
炊擊時並未聞巨霆但見竈上紫電一閃竈屨分飛司命神
主亦顛出一震之威至此五妹未持清節堂董事陳季泉致
孔庸侯書見示云進堂但須調查合例並無借住名義又思
改而為安節局求辦卿丞達吳研農適辦卿先在此允為轉
告而其詞忽吞忽吐又推諉至再磨如行舟一往一來系臆

啞啞我近一步彼遠一步抵無接觸之頃誠不知吾妹何心
不敢聞命矣

廿二日晴又稍熱長夏云邁未得心葵消息遣奴子赴海上存
問帶去鮮藕十二斤肉鬆一元瓜子二斤各兩瓶小方糕五
十米風團二十火髀月餅四十又帶去仲侯一函跋看梅之
約午後五妹母子又同來申安節局之說已不勝其煩矣康
吉哺時未架若燈後至皆長談極久神思渙竭夜雖眠不復
能交睫矣架若來意報告淮海鄰屋將出售索直七千元銀
盧接壤合之可以兩美因吾園之不暇而敢拓土壘乎身後
所遺僅有一妾一媳日闢百里將置為甌脫乎茲謝盛意
廿三日晴又熱黎明後睡思仍不濃起極迷惘如醉午餐後又
睡一小時仲衡表弟四十冥誕在先機道院追薦送禮卷八

百文

廿四日晴陰熱年例茹素一日劉姬蒸薯蕷以進潔如玉爛如泥其甘如飴清晨方推枕欲起聞有訃紙亟披視則子碩斷經矣昨日申刻染疾不起今日大斂訃賻箔敬一元辭卿前日來尚從容言其家無恙事變不測至此振聲以晉生摺支北洋百元寄仲候一函由莊通寫懷古堂詩序及傳贊諸文畢共十三葉其子明遠先生詩十二卷以次送歸

廿五日陰晴熱午後更熱大廳後軒年年屋漏每逢大雨急溜從斜溝衝下勢如濺瀑架屋之材早憲斲朽蔣木匠屋蠹也安能去哉由振聲薦一顧姓來工師之初營業者尚馴樸登屋啓奈楠而視之蟻蠕蠕矣不氣浸淫蒸成菌斗拱腐爛搖搖皆碎換一梁一柱漆工在外估價僅十四元不為奢矣黨

人因興塞風雲有轟動之信蘇垣已下戒嚴令車站船埠人
人撈檢行路益艱矣又作一函告仲侯從郵遞

廿六日陰晴仍熱雞師過門未入留一赫疏言挑塢吳太君今
日冥誕與辰卿同往并札即以安節局為請並屬送香楮之
分傀儡絃索由人提掇以其為木偶也儼然人也而不能自
運其官骸我吾誠不以降辱為恥研農雖屏諸門牆之外昔可
鳴鼓而攻今何不可承匡修好而頌兩公之膺吉哉蘇垣六
門皆早閉軍警梭巡如臨大敵閱報知党人要求日本政府
三款一請以兵力相助先佔邊隅一形勢地為進兵根據二
功成之後割幅員五分之一為日屬三其餘地方雖歸中國
管理日人亦得自由行動境是直舉我中土五帝以來相傳
之天下盡為凶人餽贈品虎狼之肉豈足食哉適心葵自滬

未言英俄法比同契而為德敵今日人藉口青島亦下哀的美數書矣德人以一服八殺然不撓者不徒海陸軍強其器械精利亦非羣雄所可及如果聯軍負而德軍勝與暴秦開關以延敵而六國之師遁逃而不敢進何以異我姑從壁上覘之

廿七日晴仍熱秋暑又經旬矣炎官之威今年為屬得仲候一函

廿八日晴熱夜稍涼兒婦又請歸見諸姊妹今日各自其夫家同日歸也順道至輪香局上冢為清和實為其母姊也緝卿又拉清晨到莊傳語安節局一塵之地已為五妹說妥此緝卿吹噓之惠亦研農所賜敢不拜嘉奴子自海上歸梅嶺得七十兩有奇寄莊帶至廣宏明集一部十冊常州天甯寺刻